

Aun an Tog, an demsda richtig dreckich gehd,
so dassda des gaunze Lehm bis do obm stehd
und du wiakli nimma waaßt wias weidagehd,
vakreu di ned in dia, vasteck di ned.
Na, vasteck di ned.

Sondan geh ausse zu die Leit, stöh di ins Liacht!
A waunsd vielleicht den Spott a bissl fiachst.
Loss di aussezahn aus deina Depression!
Red mid an quadn Freind, jo der mocht des scho.

Weu in dia söba wiast ned finden, wosd jetz brauchst.
Gaunz wuascht, wia tiafsd in deina Söh a tauchst.

Vasteck di ned, vasteck di ned.

Aun an Tog, an demsdi schrecklich einsaum fühlst
und du mea ois da guadtad owespühst,
weusd mid olla Gwoit dei Glick eazwingan wüst,
isses ka guade Idee, waunst vasteckn spüst.
Di vasteckn wüst.

Na, geh ausse untad Leit, stöh di ins Liacht!
A waunsd vielleicht den Spott a bissl fiachst.
Loss di aussefiahn aus deina Einsaumkeit!
Esis imma jemaund do, dea is dazua bereit.

Weu in dia söba wiast ned finden, wosd jetz brauchst.
Gaunz wuascht, wia tiafsd in deina Söh a tauchst.

Vasteck di ned, vasteck di ned.

Intro D - e - G - Fis⁷

Strophe A - e - A - h
 D - e - A - G - h

Refrain D - A - e - D/A
 D - A - e - D/A
 fis - G - e - Fis⁷

Inter D - e - A - h/A
 D - e - G - Fis⁷

Strophe A - e - A - h
 D - e - A - G - h

Refrain D - A - e - D/A
 D - A - e - D/A
 fis - G - e - Fis⁷

Outro D - e - A - h/A
 D - e - G - Fis⁷